

# 邢台玉泉禅寺第二届传法大典 传法表信偈

示素闻腾思禅人

悟前悟后事何分，一样衣冠一样人。  
莫在旧时行履处，椰风蕉雨布慈云。

示道慈腾悲禅人

生活禅开新气象，君臣五位旧家风。  
个中妙义难穷底，会得机关处处通。

示华忍腾照禅人

无情说法不思议，涉水明心也大奇。  
迷悟何曾多一事，要须当下契无为。

示印觉腾峰禅人

洞上宗风识者稀，理事圆融体用随。  
金针玉线亲传授，迥脱根尘绝显微。

示明虚腾实禅人

云何参透祖师关，掣电轰雷岂等闲。  
识得娘生真面目，入廛垂手展慈颜。

示法青腾浩禅人

法法原来总在心，青山绿水一微尘。  
腾腾任任观当下，浩浩尘劳觉有情。

示明因腾果禅人

矢志依师十五年，个中委曲万千千。  
莆团衣钵香山坐，三学圆明化有缘。

示觉海腾波禅人

敲唱同时理事融，玄关金锁妙无穷。  
凡情圣解齐抛却，明月芦花一色同。

示果慧腾智禅人

果海因心一念间，慧锋直下斩随眠。

灵山有约传心印，苦海无边驾法船。

示印正腾理禅人

印空印水事若何，恰似灵源一点波。

体用兼明施法雨，传衣莫负老头陀。

示学贤腾如禅人

鸟道玄途事最亲，放身荷担在殷勤。

潜心养志红尘外，学迈才超振家声。

示大缘腾朴禅人

潜行密用事如何，日日临机宝镜磨。

佛祖精神新世界，通宗通教更通科。

示妙山腾海禅人

妙用无穷是此心，山山水水法王身。

腾龙跃虎排诸障，照顾当年旧主人。

示纯空腾性禅人

庭前柏子郁青青，无数春禽树上鸣。

和雅梵音新耳目，莫教辜负老婆心。

示明杰腾俊禅人

祖意明明百草头，相逢无处不风流。

随缘济世随缘了，境寂心空露地牛。

示妙胜腾愿禅人

果然不负三生约，来叩灵泉五叶堂。

腾地辉天心智，愿深悲切作舟航。

示明仰腾广禅人

湛然居士万松禅，八百年前一段缘。

此日玉泉重拈出，法流大漠赖英贤。